

Detik istimewa sukan antarabangsa

2015



Sukan mencetus 'detik' indah yang bukan sahaja mampu mengusik emosi, malah berupaya memberi inspirasi. Sebaliknya, ia juga mampu mencetus saat mengecewakan yang membuat kita kesal dan berasa rugi menontonnya. Dengan 2015 berbaki beberapa hari sahaja, Berita Harian menyorot semula kisah sukan yang telah menjolok mata dan membuat kita tersenyum tahun ini.



MENGEMPARAKAN: Skandal rasuah

FIFA®

Sepp Blatter dan Michel Platini kekal menekankan 'kebenaran' masing-masing tetapi mereka kekal suspek utama dalam siasatan jenayah ke atas Fifa yang bermula Jun lalu. Kedua-dua pemimpin Fifa dan Uefa itu didakwa terlibat dalam rasuah bernilai jutaan dolar dan kini digantung daripada kegiatan bola sepak.

MENGAIBKAN: Skandal dadah atletik Russia

Mungkin, Sukan Olimpik di Rio de Janeiro, Brazil, tahun depan tidak akan melibatkan atlit Russia. November lalu, Agensi Anti-Dadah Dunia (Wada) mendakwa bahawa atlit negara itu telah menggunakan dadah secara sistematis bagi meningkatkan prestasi. Jika usulan Wada itu diterima Persekutuan Atletik Amatur Antarabangsa (IAAF) atlit Russia, seperti Mariya Savinova – pemenang perlumbaan 800 meter di Sukan Olimpik London 2012 – tidak akan berpeluang mempertahankan pingat emasnya.



MENGCEWEKAN: Perlawan Mayweather-Pacquiao

Perjumpaan dua petinju hebat ini disifatkan sebagai Pertarungan Terhebat Abad ini. Namun, selain pendapatan jutaan dolar yang memecah rekod, pertarungan antara Manny Pacquiao, 36 tahun, dan Floyd Mayweather, 38 tahun, di gelanggang tinju MGM Grand Garden Arena gagal memenuhi jangkaan, dengan Mayweather menang dengan keputusan sebukat suara juri. Bagaimanapun, acara yang ditonton jutaan peminat serata dunia ini meraih pendapatan tertinggi dalam sejarah tinju – AS\$500 juta (\$S668 juta).



MENGAGUMKAN: Novak Djokovic takluk tenis lelaki

Novak Djokovic menamatkan musim 2015 dengan 11 kejurna, 82 kemenangan dan enam kekalahan. Tahun ini, beliau memenangi Terbuka Australia, Terbuka Amerika Syarikat dan Wimbledon dan melangkah ke final dalam setiap pertandingan yang disertaiinya, kecuali Terbuka Doha. Namun hasratnya memenangi Terbuka Perancis pertama dan melengkapkan 'Grand Slam' tidak kesampaian, selepas beliau ditewaskan 4-6, 6-4, 6-3, 6-4 oleh Stan Wawrinka di Roland Garros.



MENGHAMPAKAN: Serena Williams gagal capai 'Serena Slam'

Tahun ini sepatutnya diingati sebagai musim 'Serena Slam' dengan pemain tenis nombor satu dunia itu menyapu bersih kesemua Grand Slam. Namun beliau mengalami kekalahan mengejut kepada Roberta Vinci, 32 tahun, di separuh akhir Terbuka Amerika Syarikat. Kekalahan itu mendorong Williams mengundur diri dari baki musim, termasuk final Kejohanan Persatuan Tenis Wanita (WTA) di Singapura September lalu.



KEUNGGULAN: Barcelona juara Eropah buat kali kelima

Kemenangan Barcelona bak dijangka, tetapi ia tetap istimewa selepas pasukan Catalan itu menewaskan Juventus 3 – 1 di final Liga Juara-Juara Eropah. Ini kali kelima Barcelona menjadi juara Eropah dan gelaran Juara-Juara keempat dalam tempoh sedekad. Ia turut memenangi pertandingan ini pada 2006, 2009 dan 2011. Lebih manis lagi, Barcelona kini dipimpin Luis Enrique, turut memenangi La Liga Sepanyol dan Piala Sepanyol – kali kedua ia memenangi tiga kejuaraan dalam semusim sejak musim 2008/09.



MENCIPTA SEJARAH: Lewis Hamilton juarai F1 buat kali ketiga

Pemandu British ini memenangi 10 perlumbaan bagi menjuarai F1 buat kali ketiga dengan 381 mata, 59 mata di atas Nico Rosberg di kedudukan naib juara. Hamilton ialah warga British kedua – selepas Sir Jackie Stewart – meraih pencapaian itu. Hamilton, 30 tahun, turut memenangi perlumbaan ke-41 musim ini, menangdingi pencapaian legenda Brazil Ayrton Senna.



MENYAYAT HATI: Jonah Lomu meninggal dunia dalam keadaan papa

Berita Jonah Lomu – legenda ragbi New Zealand – meninggal dunia bulan lalu mengundang ribuan ucapan takziah dan kekata rangsangan di media sosial. Lomu, 40 tahun, diiktiraf sebagai bintang ragbi pertama dunia, tetapi kerjayanya dibelenggu masalah ginjal yang akhirnya meragut nyawanya. Sayangnya, beliau meninggal dunia dalam keadaan papa kedana mendorong persatuan pemain ragbi New Zealand menuahkan dana bantuan bagi dua anaknya Brayley dan Dhyreille.



DI LUAR DUGAAN: Leicester City antara pesaing utama bagi kejuaraan EPL

Mungkin, pengurus Leicester City Claudio Ranieri sendiri tidak menyangka pasukannya akan bersaing dengan gergasi England seperti Manchester City dan Manchester United musim ini. Namun 'dipacu' ketegangan Jamie Vardy dan Riyad Mahrez yang telah menjaringkan 26 gol setakat ini, Leicester menamatkan 2015 bukan sahaja dengan pengetahuan statusnya di EPL terjamin, malah melangkah kian hampir ke impian beraksi di Eropah musim depan.



MESIN GOL: Cristiano Ronaldo

Bintang Portugal dan tungggak serangan Real Madrid ini dinamakan pemain terbaik dunia Januari lalu dan boleh memenangi gelaran ketiga berturut-turut bulan depan. Beliau turut memenangi anugerah Balon d'Or itu pada 2013. Tahun ini lebih istimewa bagi Ronaldo selepas beliau memecahkan rekod jaringan gol terbanyak Real yang dimiliki Raul. Raul menjaringkan 323 gol dalam 741 perlawanan. Sebaliknya, Ronaldo menjaringkan 324 gol dalam 310 perlawanan.

